



REPUBLIKA E KOSOVES REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO



Pranuar / Dorezuar Punëho / Prtato Received / Delivery	29.12.2022	2	viti god year
Organ / Njësia Organ / Jedinica Org / Unit	Nr. Prot lit. Prot Prot No	Shtojca Prilog Appendix	Sasia Kolicina Quantity
SKANSICK	8599/2022		1/1



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.1014/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave i përbërë nga: Eshref Shabani-kryetar, Jeton Koca dhe Ardita Haxhnikaj Demi-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën A.nr.1014/2022 të datës 16.11.2022, të parashtruar nga ankuesi _____, kundër organit të punësimit, Agjencia e Ushqimit dhe Veterinarisë në çështjen juridike "Shkelje e të drejtës në pagë" duke vepruar në pajtim me nenin 6 paragrafin 1 nën paragrafin 1.1, nenin 16 paragrafi 3 dhe nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Rregullat dhe Procedurat e Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datë 29.12.2022, mori këtë:

V E N D I M

- I. APROVOHET pjesërisht si e bazuar ankesa me numër A.nr.1014/2022 e datës 16.11.2022 e parashtruar nga ankuesi
- II. OBLIGOHET Kryeshefi Ekzekutiv i Agjencisë së Ushqimit dhe Veterinarisë, që brenda afatit prej pesëmbëdhjetë (15) ditësh nga data e pranimit të këtij vendimi, të inicioj veprimet e nevojshme ligjore për harmonizimin e koeficientit të nëpunësit civil Bujar Pllana nga koeficienti shtatë (7) në koeficientin tetë (8).
- III. Këshilli i Pavarur Mbikëqyrës për Shërbimin civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.

A r s y e t i m

Ankuesi [redacted], sipas shkresave të lëndës i punësuar në Agjencinë e Ushqimit dhe Veterinarisë, në pozitën "Inspektor Sanitar", i njëjti përmes emailit ka parashtruar ankesë në Këshillin e Pavarur Mbikëqyrës për Shërbimin Civil të Kosovës me datë 16.11.2022, me numër protokoli 7156/2022, me pretendimin për harmonizim të koeficientit në kuadër të Agjencisë së Ushqimit dhe Veterinarisë respektivisht të bëhet harmonizimi i koeficientit nga shtatë (7) në koeficientin tetë (8) ashtu siç e kanë pozitat e Inspektorëve në AUV, si dhe kërkon kompensimin retroaktiv nga data 04.10.2021.

Këshilli i Pavarur Mbikëqyrës për Shërbimin Civil të Kosovës bazuar në dispozitat e Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregullores Nr. 02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, më datë 25.11.2022 ka dërguar kërkesën për përgjigje në ankesë tek Agjencia e Ushqimit dhe Veterinarisë, ndërsa Këshilli më datë 06.12.2022 me numër protokoli 7701/2022, ka pranuar përgjigje në ankesë nga Agjencia e Ushqimit dhe Veterinarisë, me shkresat e bashkangjitura të lëndës.

Kolegji për shqyrtimin dhe vendosjen e ankesave ka administruar këto prova: Ankesën me nr.protokoli 7156/2022 të datës 16.11.2022 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Akt Emërim i [redacted] me numër protokoli 6787-1 i datës 04.10.2021; Vendim me numër protokoli 6787-1 i datës 04.10.2021; E-mail nga [redacted] për ankesa.kpmschk@rks-gov.net i datës 16.11.2022; Kërkesë për përgjigje në ankesë e datës 25.11.2022; Përgjigje në ankesë me numër protokoli 7701/2022 i datës 06.12.2022; E-mail nga [redacted] për [redacted] i datës 01.04.2022; E-mail nga [redacted] i datës 09.03.2022; E-mail nga [redacted] për [redacted] i datës 07.03.2022; E-mail nga [redacted] për Sn.L. i datës 02.03.2022; E-mail nga [redacted] për [redacted] i datës 31.10.2022; E-mail nga [redacted] për [redacted] i datës 27.10.2022; E-mail nga [redacted] për [redacted] i datës 24.10.2022; E-mail nga [redacted] për [redacted] i datës 19.08.2022; E-mail nga [redacted] për [redacted] etj. i datës 15.09.2022; E-mail nga [redacted] i datës 09.03.2022; E-mail nga [redacted] për [redacted] i datës 07.03.2022; E-mail nga [redacted] për [redacted] i datës 02.03.2022; Planifikimi për vitin 2022 AUV 1/6 faqe; Kërkesë për harmonizimin e koeficientëve për Inspektorët komunal të transferuar në AUV me numër protokoli 5527-2 i datës 26.07.2022; E-mail nga [redacted] për [redacted] i datës 19.08.2022 i protokolluar në Këshill me datë 14.10.2022; E-mail nga [redacted] për [redacted] etj i datës 12.08.2022;

Kolegji për shqyrtimin dhe vendosjen e ankesave, pasi ka shqyrtuar shkresat e lëndës të parashtruara nga palët në procedurë, konstatoi se ankesa e ankuesit, Bujar Pllana është pjesërisht e bazuar, **SEPSE:**

Bazuar në provat e lëndës është konstatuar se ankuesi është i punësuar sipas Akt Emërimit me nr. 6787-1 të datës 04.10.2021 në pozitën "Inspektor Sanitar" në Agjencinë e Ushqimit dhe Veterinarisë, me koeficient shtatë (7) të pagës. Me datë 26.07.2022 me numër protokoli 5527-2 Zëvendësuesi i Drejtorit të Agjencisë së Ushqimit dhe Veterinarisë i është drejtuar Thesarit me Kërkesë për harmonizimin e koeficienteve për Inspektorët komunal të transferuar në AUV. Menaxheri i Burimeve Njerëzore në Agjencinë e Ushqimit dhe Veterinarisë përmase e-mailit i është përgjigje në kërkesë me datë 15.09.2022 me të cilin e ka njoftuar se institucioni i tyre është duke bërë përpjekje

maksimale për realizimin e kërkesës së ankuesit dhe e ka njoftuar se janë në proces të zgjidhjes së kësaj çështje me arsyetimin se kjo varet ekkluzivisht nga Ministria e Punëve të Brendshme konkretisht Divizioni për Menaxhimin e Zyrtarëve Publik.

Lidhur me pretendimin e ankuesit për harmonizim të koeficientit të pagës për pozitën e "Inspektorit Sanitar", Kolegji ju referua nenit 19 të Ligjit Nr.06/L-114 për Zyrtarët Publik me të cilin është përcaktuar se: *"Zyrtari publik ka të drejtë në pagë dhe shpërblim për punën e kryer si dhe shtesa të përcaktuara me Ligjin e Pagave"*, si dhe nenit 3 paragrafit 2 të Ligjit Nr.03/L-147 për Pagat e Nëpunësve Civilë me të cilin parashihet se: *"Institucionet e administratës publike të Republikës së Kosovës janë të detyruara të paguajnë pagë të njëjtë për punën me vlerë të njëjtë"*. Andaj mbi këtë bazë ligjore e nisur nga konstatimi si më lartë se ankuesi është emëruar në pozitën "Inspektor Sanitar" me koeficient shtatë (7) të pagës, si dhe duke u bazuar në shkresën e datës 19.08.2022 të Departamentit për Menaxhimin e Zyrtarëve Publik si organ përgjegjës për përgatitjen dhe mbikëqyrjen e zbatimit të politikave për pagat e zyrtarëve publik, me të cilin është konfirmuar se pozita inspektor-klasa profesionale 1, ka të përcaktuar koeficientin tetë (8) të pagës, Kolegji i Këshillit konstaton se pretendimi ankimor i ankuesit për harmonizimin të koeficientit të pagës me titullin e punës është i drejtë dhe i ligjshëm.

Ndërlidhur me pretendimin ankimor si më lartë, Kolegji duke u bazuar në provat e lëndës ka gjetur se Agjencia e Ushqimit dhe Veterinarisë konform kërkesës se Zëvendësuesi i Drejtorit të Agjencisë së Ushqimit dhe Veterinarisë i është drejtuar Thesarit me Kërkesë për harmonizimin e koeficienteve për Inspektorët komunal të transferuar në AUV, të njëjtin Menaxheri i Personelit e ka njoftuar se institucioni i tyre është duke bërë përpjekje maksimale për realizimin e kërkesës së ankuesit dhe e ka njoftuar se janë në proces të zgjidhjes së kësaj çështje me arsyetimin se kjo varet ekskluzivisht nga Ministria e Punëve të Brendshme konkretisht Divizioni për Menaxhimin e Zyrtarëve Publik. Kolegji i Këshillit po ashtu ka gjetur se Udhëheqësi i Divizionit të Pagave dhe Zhvillimit të Strukturave Funktionale pranë Departamentit për Menaxhimin e Zyrtarëve Publik me datën 19.08.2022 përmes emailit i është drejtuar Komunës së Mitrovicës duke i sqaruar se pozita e Inspektoreve është pozitë Profesional 1 me koeficient 8 të pagës, kështu që mbi bazën e këtyre fakteve rrjedhë se mos harmonizimi-zbatimi i koeficienteve të ndryshëm të pagës për pozitë të njëjtë të punës sipas Rregullores Nr.26/2020 për Klasifikimin e Vendeve të Punës në Shërbimin Civil, rrjedhimisht në gjykimin e Kolegjit veprimet e tilla bien ndesh edhe me dispozitat e nenit 2 dhe 4 të Ligjit Nr.05/L-021 për Mbrojtje nga Diskriminimi si dhe nenin 7 paragrafin 1 të Ligjit Nr.06/L-114 për Zyrtarët Publikë me të cilin parashihet se: *"Menaxhimi i marrëdhënies juridike me nëpunësit civilë, me nëpunësit e Shërbimit Publik dhe me nëpunësit administrativo-teknikë dhe mbështetës, udhëhiqet nga ligji dhe bazohet, gjithashtu, në parimin e mundësive të barabarta, meritës, transparencës, profesionalizmit dhe paanësisë politike, mos diskriminimit, përfaqësimit të drejtë gjinor dhe të komuniteteve dhe synon garantimin e qëndrueshmërisë dhe vazhdimësisë në detyrë..."*, kështu që Kolegji vlerëson së janë të bazuara pretendimet ankimore të ankuesit mbi bazën e harmonizimit të koeficientit të pagës me Inspektorët e tjerë të sektorëve brenda Komunës.

Ndërsa lidhur me pretendimin ankimor të ankuesit për kompensimin në mënyrë retroaktive të koeficientit të pagës për pozitën "Inspektor Sanitar" duke filluar nga data 01.08.2021 e tutje, Kolegji bazuar në provat e kësaj çështje nuk ka gjetur asnjë dëshmi se ankuesi pas nënshkrimit të Aktit të Emërimit me numër protokolli 6787-1 të datës 04.10.2021 të këtë ndërmarr ndonjë veprim juridik

lidhur me harmonizimin e koeficientit të pagës apo heshtjes administrative të organit të punësimit lidhur me kërkesën e tij për harmonizim të koeficienti, kështu që Kolegji konstaton së ky pretendim ankimor është i pa bazuar dhe i parashtruar në kundërshtim me nenin 127 paragrafi 1, 3 dhe 4 të Ligjit Nr. 05/L-031 për Procedurën e Përgjithshme Administrative.

Kolegji pasi ka shqyrtuar shkresat e lëndës, e duke u bazuar në nenin 18 paragrafin 1 nën paragrafin 1.2 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës, vendosi si në dispozitiv të këtij vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e mund të iniciojë konflikt administrativ në gjykatën kompetente, Gjykatën Themelore në Prishtinë/Departamenti për Çështje Administrative brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk ndalon e ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
LËNDA A.NR.1014/2022

Elakron GASHI

Procesmbajtës

Eshref SHABANI

Kryetar i Kolegjit

Vendimi i dorëzohet:

- Ankuesit
- Kryeshefit Ekzekutiv në Agjencisë e Ushqimit dhe Veterinarisë;
- Udhëheqësit të Burimeve Njerëzore në Agjencisë së Ushqimit dhe Veterinarisë dhe
- Arkivit të KPMSHCK-së.